

समे – 12:25

<><><><><><>

Budget Session

संसद दे बजट सत्र दे 6में दिन सदन दे दौनें सदनें दी कारवाई जारी ऐ। प्रश्नकाल दरान लोकसभा स्पीकर ओम बिरला होरें सदन च मजूद हे। तोआई राज्यसभा च बी कारवाई शुय होई गई। सदन च महत्वै आले मुद्दे जियां सेहत, कनून, राश्ट्रीय, करसाने दे कल्याण सरबन्धी मामले पर चर्चा होआरदी ऐ। सांसद केई सारे महत्वै आले मामले पर चर्चा करा'रदे न, खास तौर पर जेहड़े लोक हित्त कन्नै जुड़े दे न।

<><><><><><>

Gadkari

जम्मू कश्मीर च दिल्ली-अमृतसर-कटरा ग्रीनफील्ड एक्सप्रेस वे मार्च 2026 तगर मुकम्मल होई जाग। इस बारे लोकसभा च जानकारी दिंदे होई शिड़क, यातायात ते राश्ट्री जरनैली शिड़क दे मैहकमे आली मंत्री नितिन गडकरी होरें आखेआ जे जम्मू कश्मीर च 5 शा 3 पैकेज इस ब8रे सितम्बर तोड़ी तैआर होई जांगन। 144 किलोमीटर लम्मे इस पैडे, जेहदे च हरियाणा-पंजाब ते जम्मू कश्मीर शामिल न, 18 पैकेज आले प्रोजेक्ट दा हिस्सा ऐ।

<><><><><><>

CM-Pre Budget

मुख्यमंत्री उमर अब्दुल्ला होरें बजट थमां पैहले विधायकें ते जिला विकास कौंसल दे अध्यक्षें कन्नै बैठका लाइयां। उनें बजट च लोकें दी हिस्सेदारी पर जोर पाया। बारामुला, उधमपुर, कुलगाम, रामबन, अनंतनाग, कठुआ, सांबा ते बडगाम थमां दे नुमायंदे बक्ख-बक्ख मामले गी पुट्टेआ जिंदे च शिड़क-सेहत सरबन्धी दिक्खभाल, बिजली, पानी दी सप्लाई ते शिक्षा सरबन्धी मामले शामिल हे। मुख्यमंत्री होरें भरोसा दोआया जे बजट मकामी लोकें दी आसें-तांगें दी जरूरते गी पूरा करोग। बैठक च मंत्रिएं, वरिष्ठ अधिकारिएं ते सलाहकारें हिस्सा लैता। सरकार दा मकसद लोकें दी आसें तांगें मूजब बजट गी बनाने ते मुद्दे गी प्राथमिकता देना ऐ।

<><><><><><>

CM-Book

मुख्यमंत्री उमर अब्दुल्ला होरें जेकेएस अफसर कुलभूषण कुमार जेहड़े इसलै आपदा प्रबंधन राहत ते पुर्नबहाली मैह्कमे दे वित निदेशक दे तौर पर सेवा देआ'रदे न, उंदे आस्सेआ लिखी दी किताब Hearts and Heroes Lives that Shaped us दा विमोचन कीता। सिविल सचिवालय च लग्गे दे इक कार्यक्रम च इस किताब दा विमोचन होआ। एह कताब विचारकें, नेताएं ते गुमनाम नायकें गी दक श्रद्धांजलि ऐ जिनें मनुक्खता पर इक झूह्गी छाप छोड़ी ऐ। अपने संबोधन च मुख्यमंत्री होरें कुलभूषण कुमार हुंदी सराहना कीती जेहड़े अपने कम्म ते साहित्य प्रति उंदी रुचि बशकार तालमेल बना'रदे न।

<><><><><><>

Dy. CM-PublicDarbar

उपमुख्यमंत्री सुरिन्द्र चौधरी ते ट्रांसपोर्ट मंत्री सतीश शर्मा होरें आम लोकें दी दिक्कतें-परेशानियां गी सुनने ते उंदे नबेड़े लेई चौकी चौरा च इक जनता दरबार दा सरिस्ता कीता। इस मौके पर मकामी लोकें शिड़क संपर्क, बिजली ते पानी दी अनियमित आपूर्ति सेहत सेवाएं च बेह्तरी ते होर केई मुद्दें सामने रखे। मकामी लोकें डिग्री कोलज, गेस्ट हाउस ते आईटीआई कालेज दी स्थापना दी मंग कीती। उपमुख्यमंत्री होरें इस मौके पर लोकें गी जकीन दोआया जे उंदे आस्सेआ पुट्टे गेदे सब्बने मुद्दें पर फौरी कारवाई कीती जाग। मंत्री सतीश शर्मा होरें नागरिकें दी जरूरतें गी पूरा करने ते सब्बने गी इक बरोबर सेवा उपलब्ध करोआने लेई सरकार दी वचनबद्धता गी दोहराया।

<><><><><><>

IGP Jammu Meet

आईजीपी जम्मू बी.एस.टूटी होरें जम्मू पुलस नियंत्रण कक्ष च अफसरें कन्नै इक बैठक लाई। इस दरान कम्में कारवाइएं गी सुचारु ढंगै सिर चलाने, नीतियां बनाने सरबन्धी कम्में गी होर व्यापक बनाने पर चर्चा होई। बैठक च आईजीपी जम्मू होरें तकनीक आधारित नीतिउं, रणनीतिएं पर जोर पाया। उनें आंकड़े आधारित सला लैने लेई बी गलाया। उनें नीतियां बनांदे बेल्ले ते कम्में कारवाइएं दरान अपने आपा गी अज्जै कल्लै स्हाबै तैआर रखने ते नजरिया अपनाने पर जोर पाया तां जे लोकें दी सुरक्षा बेहतर ढंगै सिर होई सकै ते कन्नै कारगर ढंगै सिर निबड़ेआ जाई सकै।

<><><><><><>

Rajouri Samples

राजौरी दे बडहाल ग्रां च चला'रदी जांच तैहत बक्ख-बक्ख चाल्ली दे कीटनाशकें ते हैलें दे 529 नमूने लैते गे न। एह जांच रहस्यमयी बमारी करी उत्थें होई दी मौतें दे सिलसिले च कीती जा'रदी ऐ। डिप्टी कमीशनर अभिषेक शर्मा हुंदी अगुवाई आली टीम नै 257 दुकानें दी शनाख्त कीती ते नमूने लैते। 293 नमूनें राई-बाई च इस्तेमाल होने आले एगो-कैमिकलें दे न ते 236 नमूने हैलें दे न। इस टीम च प्रशासन अधिकारी, पुलिस, सेहत ते राई-बाई मैहकमे दे लोक शामिल हे।

<><><><><><>

Sniffer Dog

भातीय सेना नै Sniffer dog Teena गी विस्फोटक जेहदे च आईईडी बी शामिल ही गी तुप्पने च मदद लेई सम्मानित कीता। इक विशेष कार्यक्रम च टाइगर डिविजन दे जीओसी मेजर जनरल मुकेश भनवाला होरें टीना गी सम्मानित कीता। रक्षा प्रवक्ता होरें टीना दी सख्त सिखलाई ते दिनचर्या बारै दस्सेआ। टीना नै जम्मू-कश्मीर च 2 थवां बदे बरे लेई सेवा दिती ऐ ते केई महत्वै आहली कार्रवाईएं च अहमद भूमिका निभाई। ओहदी महारत नै विस्फोटकें सरबंधी चुनौतिएं थवां सुरक्षा यकीनी बनाने लेई अहम भूमिका निभाई।

<><><><><><>